


Yusufu nun Fitina Kamena

(Yusufu Dəxəde 3)

Taruxuni ito kelixi


Dunuŋa Fələna sora 41 han sora 50



© GRN

I a kolon, e yi Yusufu raso kasoon na hali
a to mi fe naxi yo ligaxi.

A to yi kasona, a yi kasorasa firine xiyen
yεba e xa.



© Bible Visuals International



© GRN

Ɲεε firin dangu xanbini, Misiran Mangan yi xiye sa. Na xiyen kui, a tixi xude dene. A yi ɲinge to fani tuyanxi soloferere to kele xuden kui, e e dəgema mərəni.

Na xanbi, ɲinge soloferere gbete, naxanye to ɲaxu, e doyenxi, ne fan yi keli xuden kui ɲingen bonne dəxɔn ma. Ɲinge to ɲaxi soloferen yi ɲinge to fani soloferen don.

Nayi, Misiran Mangan yi xulun. Xiyen nan yi a ra.



© Bible Visuals International

A mɔn yi xi, a xiye gbete sa. Tɔnsɔn solofera fanin nafexine yi tixi bili kedenna ma. Na xanbi, tɔnsɔn solofera gbete, naxanye xurun, foyen bata e rafoto ayi, ne tixi tɔnsɔnna bodene dɛxɔn ma. Tɔnsɔn xurunni itoe yi tɔnsɔn nafexi fanine gerun.

Nayi, Misiran Mangan yi xulun. Xiyen nan yi a ra.

Xətənni Misiran Mangan bəyən yi mini.

A yi woyimene nun fekolonne birin xili naxanye Misiran yi. A yi xiyeni itoe fala e xa, koni muxu yo mi nə xiyeni itoe yəbe a xa.

Na waxatini, naxan yengi saxi mangana minseen xən ma, na yi a fala Misiran Mangan xa, a naxa, “N ma kala fonne bata rabira n ma to. Nxu yi kasoni waxatin naxan yi, nxu nun sofa mangana konyina, Heburu banxulanna nan yi na yi nun. Nxu yi xiyene fala a xa, a yi e birin bunna fala nxu xa. A xiyen yəba nxu xa kii naxan yi, a mən birin ligaxi na kiini nən.”



© Bible Visuals International

Misiran Mangan yi Yusufu xili.

E yi a ramini kasoni mafuren! A yi a xunna bi,
a maraberi baane yi masara a ma.

A fa siga Misiran Mangan fëma.

Misiran Mangan yi a fala Yusufu xa, a naxa,
“N bata xiye sa. Muxu yo mi nɔxi a yebadeni,
koni n bata a me a i tan nɔe xiyen bunna falɛ,
muxun naxan na xiyen fala i xa.”

Yusufu yi a yabi, a naxa, “N tan mi a ra, Ala
nan Misiran Mangana a xiyen bun fanin
fima a ma.”




© Bible Visuals International

Misiran Mangana yi a xiyene fala Yusufu xa.

Yusufu yi a fala a xa, a naxa, “I ya xiye firinna birin fe kedenna nan yitaxi. A bunna ni ito ra: Nee soloferen naxanye fama iki, a findima lugo neene nan na Misiran bɔxɔn xa. Na xanbi, nee solofera kamɛn fama nɛn. En jinanma nɛn na lugon birin na. Kamɛn Misiran bɔxɔn halagima nɛn.”

Na xanbi, Yusufu yi Mangan maxadi a xa naxan ligi, alogo e birin nama halagi kamɛn ma.




© Bible Visuals International

Falani ito yi rafan Misiran Mangan nun a kuntigine birin ma. Misiran Mangan yi a fala e xa, a naxa, "En nox muxuna nde sotx naxan ligaxi alo ito, Alaa Nii Sarjanxin naxan yi?"

Misiran Mangan yi a fala Yusufu xa, a naxa, "Bayo Ala bata na feen birin yita i ra, muxu yo mi na naxan xaxili fan alo i tan, naxan fe kolon dangu i ra."

Misiran Mangan mon yi a fala a xa, a naxa, "A mato, n bata nocon so i yii Misiran bokon birin xunna."

Mangan bata jaxanla fi Yusufu ma. Na jaxanla xili nen Asenati. E bata dii firin sotx benun kamien xa a li. Ne e dii xemene xili nen Manase nun Efirami.



© Bethany Fellowship Inc.


Lugo jee soloferen bun ma, bɔxɔn birin yi rawali ki faji. Yusufu yi donseen gbegbe malan naxan sɔtɔxi jee solofereni ito bun ma Misiran bɔxɔn ma.

Nayi, kame jee soloferen yi a li, burun yi na Misiran bɔxɔn birin ma.

Yusufu yi na donseen mati Misiran kaane ma, e nun muxun naxanye faxi keli yamanane birin yi, bayo kamen bata yi senben sɔtɔ yamanane birin yi.



© Bible Visuals International




© GRN

Lɔxɔna nde, Yusufu tadane yi fa donse saradeni. E yi e xinbi sin a bun, e e yetagine lan bɔxɔn ma. Yusufu yi a tadane kolon, koni e tan mi a kolon. Yusufu a xiyene fe yi rabira a ma a naxanye sa e fe yi.

Yusufu yi a tadane mato kiina nde. A xa kolon xa e kεŋan bata masara. A tadane yi gaxu Yusufu yεε ra.

A rajanna, Yusufu yi a yεtε yita a tadane ra, e nun a xunyena, Bunyamin. A yi a fala e xa, a naxa, “N tan nan Yusufu ra! N baba mɔn na?” Koni a tadane mi nɔ a yabideni bayo e bata de xara. E yigitegε a yεε ra.

Yusufu mɔn yi a fala, a naxa, “N tan nan Yusufu ra, ε xunyena, ε naxan mati Misiran kaane ma konyin na. Iki, ε bɔjnen nama mini, ε mɔn nama gaxu n mati feen ma, bayo Ala n xεxi nεn ε yεε ra alogo n xa ε niin natanga. Nayi, ε tan xa mi faxi n na be, koni Ala na a ra. A yi n tan findi Misiran bɔxɔn birin yamana kanna ra.”



Yusufu yi a tadane xε, e nun Bunyamin, e xa e baba tongo, e nun a denbayane, e xa fa Misiran yamanani, alogo e xa kisi.

Yusufu tadane yi keli Misiran yi, e te e bɔxɔn ma, naxan xili Kanan, e baba Yaxuba yireni. E yi a fala a xa, e naxa, “Yusufu mɔn barixi, a tan nan Misiran bɔxɔn birin yamarima.” Koni Yaxuba bɔjɛn mi sewa, bayo a mi laxi e ra.

Koni na xanbi ra, a yi la a ra. Yaxuba niin yi sewa. A naxa, “N bata sewa, n ma diin Yusufu mɔn a nii ra. Benun n xa faxa, n sa a toma nɛn.”

Kira yi, Yaxuba yi fe toon ti kɔeɛn na alo xiyena, Ala yi a fala a xa, a naxa, “I nama gaxu siga feen na Misiran yi, bayo n ni i findima siya gbeen nan na mɛnni. N tan nan mɔn fama i raxetedeni.”



© Bethany Fellowship Inc.

Yaxuba nun a bɔnsɔnna birin yi siga
Misiran yamanani.

E yi so Gosen bɔxɔn ma, naxan Misiran yi.

Yusufu yi a yengeso wontoron tongo,
a yi siga Gosen yi a baba ralandeni.




© Bible Visuals International

A to a li, a yi filinfilin a ma, a yi bu wuge a
kçesn xcn.

Yaxuba yi a fala Yusufu xa, a naxa, “Hali n
faxa fa, bayo n bata i yetagin to, i mcn
yengima!”

A rananna, Yusufu yi a fala a tadane xa, a
naxa, “E lanxi a ma nен e xa fe jaxin liga n na,
koni Ala yi a maxete fe fajin na alogo feene xa
rakamali, nii wuyaxin yi ratanga.”



© Bethany Fellowship Inc.

Publié par la Mission Protestante MCA

Les images sont de Gospel Recordings (© GRN)

© Bible Visuals International

Avec permission

© Et de Bethany Fellowship

Crée en Guinée 2022

Cette édition: décembre 2024